

Tutunlap mi Awewei Ossini

Tekia Seni Aramas?

Matthew 26:31-75

Peter a fokun tongei Sises, nge a pwan fokun sani usun an epwe pwan rong an aramas repwe pwan kapas mi eoch fanitan. Non ewe saingon mwongon fetanlap ika Komunio, Sises a ereni neun kewe chon kaeo meinisin pwe iir repwe afangema ii. Peter a uta-asini iwe a apasa pwe inamo ika meinisin chienan kewe repwe afangema Sises nge ii esapw tongeni epwe fangetani Sises. Sises a apasa ngeni Peter, “Nepwinei mwemwen an ewe chuko epwe koko, en kopwe afangemaei fan 3.” wokisin 34.



Peter ese chofona nupwen a kapas ren met epwe fori faniten Kraist. Nge met ewe e osupwang ren pun ese pwusin kuna ewe namanam tekia non manawan. Non ewe pwinin ekewe sounfiu ra feito pwe repwe arrestini Sises nge chomong aramas ra pwan tapwereto, Peter a weitauf efoch ketinas pwe epwe peni neun we Masta. Murin chok fitu awa ,murin ar ra epwungu Sises, ekewe chon uu ngeni Sises ra fokun assawa Peter, iwe a amaam Sises fan 3. Iteiten an emon ereni Peter pwe ii chienen Sises, Peter a fokun apochokuna an foos oh mwaken ngenir, tori an a mwo nge kapas mi ngaw me akaponungaw. (Verse 74).

Iwe ewe chuko a koko. Non ei fansoun Sises a nom non ewe nenien kepwung nge fitemon Sounfiu ra awata. Peter a kuna pwe Sises mi chok nenengeni an mese pwetete me tong oh

chen, netipen Peter a fokun riafou. “Peter a chechemeni met ewe Samol e ereni.

“Mwemwan an ewe chuko epwe koko, en kopwe amaam ngang fan 3.” Luke

22:61, 62. Iwe Peter a suu nge a fokun kechiw non an riafou me niamam

Seni ena fansoun, Peter a wesewesen ekesiwin. Ese chiwen mochen epwe fori netipen aramas nge a mochen pwe epwe chok fori netipen Kot chok. Murin an a ekesiwin, Peter a uta mwen mesen ewe mwichen councilun Jews, ra awata oh ra pwan ereni pwe epwe kounoo me afanafan usun Sises, nge Peter a pworachou me

ponuwenir, “Am pwe anneasochis ngeni Kot nap seni aramas.” Fofor 5:29. Peter a pwarata an nikitu m tong ngeni Sises nupwen a finata pwe repwe irapengesi nge mokuran epwe soretiw nepwun meren ewe Emperor Nero nap seni an epwe chiwen amaam Sises.

1. Ifa usun nikinikin an Kot finata ika emon chienan ika esapw chienan?

Matthew 7:21 “Esap aramas meinisin mi aita ngeniei ‘Samol, Samol’ repwe _____ lon Mwün Läng, nge chokewe chök mi _____ letipen Semei lon läng.

Romans 6:16 Oua püsin silei, pwe lupwen oua _____ inisimi ngeni eman pwe epwe nöünikemi chon angang o aleasochis ngeni, oua chon angang ngeni ätewe oua _____. Ika oupwe aleasochis ngeni tipis, sopolan oupwe mäla, ika oupwe aleasochis ngeni Kot, sopolan oupwe küna pwüing mwen mesan.

NOTE. Ion ka aneasochis ngeni pwan inaii ena sia sineni pwe en ka finata pwe kopwe nikitu ngeni pwe ka neuni masta. Ika pwe sia apasa ren awach pwe kich neun Kot nge sia aneasochis ngeni Setan, iwe sia pwusin otupwu kich.

2. Nupwen an aramas annuk me an Kot annuk ra purefengen, meni neir Peter a apasa pwe sipwe aneasochis engine?

Acts 5:29. ²⁹Iwe, Petrus me ekewe ekoch soukünü ra pölüeni, “Äm aipwe chök aleasochisi _____ lap seni äm aleasochisi aramas.

Note: Nupwen Peter a wesewesn upsefan oh afokun tongei Sises, a apasa ngeni an ekewe chon Jews ewe mwichefel council pwe ii a aneasochis Kot asanapen mwen metoch meinisin. Non ekei ranin soponoon sia pwan kaeo pwe an ewe manmwacho annuk me annukun fonufan repwe osukosuka an Kot kewe annuk. Sipwe pochokun me finata ikenai ach sipwe aneasochis ngeni an Kot kewe annuk inamo ika pwe sipwe feiengaw.

3. Ifa usun ach sipwe pwari ach tongei Kot?

John 8:31. “Are oupwe _____ ai kewe kapas, oupwe wesewesen nei chon kaiö.

John 14:15 “Iwe, are oua _____, oupwe aleasochisi ai kewe allük.

1 John 2:4 “Iwe, are eman a apasa pwe a silei i, nge esap _____ an kewe allük, ei aramas i eman chon chofona, nge ewe let esap nom lon.

Note: Anen an emon aramas pwari an tongei Sises, epwe fori netipan. Ach apwonueta ekewe 10 annuk ina anen ach fori netipen ewe Samol(**Kolfel 40:8**).

4. Anongonong won anon Sises, pwata ekewe hypocrites ra chok pwomeni pwomen Soulang?

Matthew 6:2 ²Iei mine are oupwe fang ngeni ekewe chon wöüngau och mettoch, ousap asilefetalei mine oua föri, usun ekewe chon likatuputup ra föri lon ar kewe imwen felikis pwal won ekewe al, pwe aramas repwe _____. Enlet, üpwe ürenikemi, pwe ra fen wes le angei liwiniir.

Matthew 6:5 “Iwe, lupwen oupwe iotek, ousap föri usun ekewe chon likatuputup. Ra efich ar repwe ütä o iotek lon ar kewe imwen felikis pwal lepwokukun ekewe al, pwe aramas repwe _____. Enlet, üpwe ürenikemi, pwe ra fen wes le angei liwiniir.

Note: Paipel a aiti ngeni kich pwe Kot aramas ra nenengeni nukun inis nge ewe Samol a nenengeni netipach.” **1 Samuel 16:7**. Emon enletin Soulang esapw ekieki met aramas ra ekieki fanitan nge met Kot a ekieki fanitan.

5. Met mi eoch ach sipwe fiti mefien aramas?

Exodus 23:2 Kosap _____ eu mwichemongun aramas le föri mine a ngau. Nge lupwen ka pwärätä lon kapwüing, kosap sorei mine a pwüing ren om pelieni eu mwichemongun aramas.

Matthew 7:13, 14 “Oupwe tolong lon ewe asam mi pwangekükün! Pun a pwangemong ewe asam o _____ ewe al mi ale ngeni feiengau esemüch, nge chokewe mi fetal won ra _____. ¹⁴Nge a pwangekükün ewe asam o chökükün ewe al mi ale ngeni manau esemuch. Mi wor ekoch chök aramas mi fetal won ei al ngeni manau.

1 Peter 3:20 ²⁰Ikei ir ngünün chokewe mi aleasolap ngeni Kot, lupwen a witiwit lon an mosonotam lon ekewe rän, lupwen Noa a föri ewe waimw. _____ chök aramas, fokun waluman chök, ra nonom lon ewe waimw o küna _____ seni ewe koluk.

Note: Uruwo usun ita nge mi ereni kich pwe nupwen sia fiti mefien chomong aramas sipwe chok mwanino. Chomong aramas ekewe ra mochen mwonei Moses ngeni fau nge ra mochen niwin ngeni Egypt repwe chon amanau.

(Numbers 14:4-10). Pwan ekewe aramas ekewe re pwuchor oh apasa, “ irapengesii” Luke 23:21. Pwan chomong aramas repwe angei esisinen ewe manmwacho nge fokun chokukun ekewe resapw non ekewe ranin soponoon (Revelation 13:16).

6. Sises mi pwapwa ika pwun sia apwonueta ach oereni nap seni an Kot annuk?

Mark 7:7, 9 A _____ ar fel ngeniei, pun ra aiti ngeni aramas förien aramas allük, usun itä nge ai kewe allük. Iwe, Jesus a pwal üreniir, “Oua fokun tipachem le öüöngaua än Kot allük fän iten ämi oupwe öüöchü _____ ämi kewe lewo.

7. Ekewe enletin Soulang repwe itefouno ika popular non ekewe ranin soponoon?

Matthew 24:9 Mürin repwe _____, repwe atolongakemi lepöün chokewe mi ariaföüükemi o nikemiila. Aramas meinisin repwe _____ pokiten itei.

2 Timothy 3:12 A pwüing pwe aramas meinisin mi mochen manaueni eu manauen _____ lon Kraist Jesus repwe _____ lon ninni..

Revelation 12:17 Iwe, ewe trakon a fokun lingeringeriti ewe fefin, a feila seni pwe epwe _____ ngeni lusun _____ kewe, ir chokewe meinisin mi aleasochisi än Kot kewe allük o ra allükülük lon ewe let Jesus a pwärätä.

Revelation 13:15 A mwümwütä ngeni ewe aruomanün manmwacho pwe epwe ngaseralong manau lon uluulun ewe aemanün manmwacho, pwe ewe uluulun a tongeni kapas, a pwal tongeni _____ chokewe meinisin resap mochen fel ngeni.

Note: Non ekewe saingonoon ran, setan me neun kewe aramas repwe mwaun ngeni neun Kot kewe aramas iir ekewe mi unusen nuku me aneasochis ngeni ewe paipel.

8. Mei tufich an emon epwe aneasochis Kot pwan aneasochis ngeni aramas?

Matthew 6:24 "Esap wor eman a tongeni angang ngeni ruoman samol. Pun epwe _____ eman, nge epwe _____ ewe eman, ika epwe tipeni eman, nge epwe turunufasei ewe eman. Ousap tongeni angangepök ngeni Kot me wöün fanüfan.

Matthew 12:30 Iwe, are eman esap etiei, i eman chon _____, nge are eman esap alisieie le ikioi, i eman chon _____.

Note: ei mwaun nefinen Sises me Satan, eseor ew nenicháchá. Kose tongeni om kopwe era pwe en emon chon katon chok, ika kopwe chok nonom won ewe tiit. Ika pwe esapw kich chon anisi Sises, iwe kich chon anisi ewe Devil.

9. Mei éech ach sipwe tongei chienach ika chon non ach family nap seni Sises?

Matthew 10:37 a tongei saman are _____ lap seniei, esap fich ngeni an epwe nei chon kaiö. Nge iö a tongei nöün ät are nengin _____, esap fich ngeni an epwe nei chon kaiö..

Luke 14:26 "Iö a feito rei esap tongeni nei chon kaiö, are esap echeniei lap seni an echeni saman me inan, _____ me nöün kana, pwiin me fefinan kana, pwal mwo nge püsin _____.

Matthew 12:50 Pun iö kana ra föri _____ Semei lon läng, ir pwii me fefinei me _____."

Note: Sises a esine ngeni kich pwe ewe murinon anen ach sipwe tongeni amanawa atongeach kewe sipwe fen akoumwa Sises non manawach. Ach watten mwan ika pwe

sia fen akoumwa ach family me chiechiach kana mwen Kriast ewe chon fori kich me chon amanawa kich non ach angang me manawach.

10. Mei éech ach sipwe akoumwa ach angangen tufichich me wouuch mwen Sises?

Matthew 16:26 ²⁶Epwe met lomoten än eman aramas epwe feiöchüni feiöchün unusen _____, nge manauan epwe pöüt seni? Ika met eman aramas a tongeni fangala pwe epwe angesefäli _____?

Luke 12:15 ¹⁵Mürin a sopwela le kapas ngeniir meinisin, “Oupwe mamasa o tümwünüöchükemi seni sokopaten mochenia meinisin. Pun manauen eman aramas esap _____ won met mi nom ren, inamwo are a fokun pisekisek.”

Note: Ewe ekiek pwe om pwapwa me om tumun a feito seni om angang mi eech me om pisekisek ew watten mwaken mi fokun anoninen. Sises e apasa, “A fen mecheres an emon kamel epwe tonong non ewe pwangen tikek nap seni emon aramas mi tufich an epwe tonong non ewe mwun Kot” Mark 10:25.

11. Mei éech ach sipwe sopweno me aneasonap ngeni netipen Kot nge sia fen sinei an ewe enlet?

Hosea 4:6 Nei aramas ra _____, pun resap wesewesen sileei. Pokiten oua _____ ämi oupwe sileei, ngang üpwe pwal oput ämi oupwe nei souasor. Pokiten oua manlükala ewe _____ än ämi we Kot, ngang üpwe pwal manlükala nöümi kewe.

Hebrews 10:26 Pun are sia chök _____ le föri tipis mürin ach sia fen silei ewe let, esap chüen wor och asor fänäsengesisin ach _____.

12. Met epwe fiss ngeni ekewe ra sopweno me aneasonap ngeni ewe enlet?

2 Thessalonians 2:10-12 ¹⁰epwe aea sokopaten angangen atuputup mi ngau ngeni chokewe repwe _____. Repwe pöütmwälila pokiten resap fokun mochen etiwa o aücheani ewe _____ mi _____ pwe repwe küna manau ren. ¹¹Lei popun Kot a tinala rer ewe manamanen atuputup, pwe repwe _____ mine a chofona. ¹²Lei mine chokewe meinisin resap lükü ewe kapas mi let, nge ra pwapwa le föri tipis, Kot epwe apwüngala pwe ra tipis.

John 3:19 Lei usun pwüngün ewe apwüng: Ewe saram a tolong lon fanüfan, nge aramas ra _____ ro chopwak lap seni saram, pun ar föfö a _____.

Note: Ekewe taropwen mi pin ra aiti ngeni kich pwe Sises ii ewe enlet (Jn 14:6). Ika pwe sia etiwa ik sise etiwa enlet, mei wewe ngeni ach etiwa me ach sise etiwa Sises.

13. Met ekewe aramas repwe eriafou me nii neun Kot kewe aramas non ekewe ranin sopoon, repwe nuku pwe metewe ra fori och metoch mi murino?

John 16:2 Repwe atowukemi seni ar mwich lon ar kewe imwen felikis. Nge epwe war ewe fansoun lupwen chokewe mi nikemi repwe _____, pwe ar föföör eu angang ngeni Kot.

14. Ifa usun an Peter awewei ngeni kich ekewe aramas ra fen sinei ewe enlet nge sopweno chok me aneasonap ngeni?

2 Peter 2:21, 22. ²¹Epwe fen öch ngeniir ar _____ silei ewe alen pwüing, lap seni ar repwe silei, nge mürin ra _____ ewe allük mi pin a toriir. ²²Met a fis ngeniir a pwärätä pwe ekei mwiitun ra let: “Eman kolak a änisefälì mine a musäsinawu”, pwal “Eman pik mi fen limöch a _____ ewe pokak o asokopöla lon.”

15. Nupwen emon epwe tapweno murin Sises, epwe wor met epwe wor an riafou pwan wor met epwe pwan fangetani?

Luke 9:23 Mürin a üreni ekewe aramas meinisín, “Are eman a mochen etiei, epwe _____ manauan, epwe mwärei an iräpenges rän me rän o tapweto müri.

16. Mi murino an emon epwe witiwitino ika amweta ngeni ew fansoun an epwe tapweno murin Sises?

Hebrews 4:7 ⁷Ei a fat ren än Kot filätä pwal eu rän mi iteni “Ikenai”. Chomong ier mürin a kapas me ren Tafit usun met a fen mak lon ekewe Toropwe mi Pin, “Ikenai are oua _____ mwelien Kot, ousap apöchöküla lelukemi.”.

Hebrews 2:3 ³Epwe ifa usun ach sipwe tongeni sü seni ach küna liwiningau are sisap aüseling ngeni ekewe kapas usun ach küna _____ mi fokun aüchea. Ewe Samol a akomwen asile ngeni aramas usun ei küna manau, nge chokewe mi rongorong ngeni ra alletätä ngenikich pwe a let.

2 Corinthians 6:2 Pun iei met Kot a apasa, “Lon fansoun fich üa aüselingok, lon ränin küna manau üa alisuk.” Ngeni, _____ fokun fansoun fich, ngeni, ikenai ränin küna manau!

Note: Ewe fansoun a murino ngeni kich ach sipwe aneasochisi kapasen Kot, ewe fansoun sia rongorongon ngeni. Pwan ewe fansoun mi murino ngeni kich ach sipwe fori netipan, ewe fansoun ii a pwari netipan ngeni kich. Ew otupwutupw Setan a otupwu ngeni kich aramas, pwe mi chomong ach fansoun ika mi wor ach fansoun ach sipwapw pwan finata inet sia mochen tapweno murin Sises. Setan mi sinei pwe nupwen sisapw ausening ngeni ewe mongungun Kot ngeni kich, iwe ina epwene neukukununoo tori an a wesino ika morono. Chomong million aramas ra tupwuno oh ra pwan peutunoo pwe ren ar nuku ei nikatuputup an setan ngenir. Ra ekieki pwe repwapw fang ngeni Kot manawer fan ew nge ra monukano pwe fan ew esapw nemenier.

17. Met emon epwe feiochuni ren an epwe etiwa ewe enlet pwan fetan non ewe enlet?

Psalm 119:165 Chokewe mi äüchani om allük ra fokun _____. Esap wor och ra tongeni chepetek ren.

John 8:32 Oupwe silei ewe let, nge ewe let epwe _____.

1 Peter 1:22 Iwe, pokiten oua _____ ren ämi _____ mine a let o oua eäni tong enlet ngeni pwiimi kewe souläng, oupwe wesewesen echenifengenikemi ren unusen lelukemi.

Note: Watten kinmawe ngaseno me epinukunuk ngeni meiniish aramas mi rong oh aneasochis ngeni ewe enlet.

18. Ifan ewe Kapas ais Sises a aisini Peter fan 3?

John 21:17 Jesus a aisini fän aülüngatin, “Simon, nöün Sona, en mi _____?” Petrus a letipeta, pun Jesus a aisini fän aülüngatin, “Ka echeniei?” lei mine a üreni, “Ai Samol, en ka silei mettoch meinisin, ka silei pwe ngang üa echenuk.” Jesus a üreni, “Kopwe amongöü nei kewe sip?”

Note: lei ei auchean kapasies ngeni emon me emon Soulang nupwen sia era pwe sia fang ngeni Kot unusen manawach pwe sipwe fori netipen Kot. En mi tongei Kot?

Ai Finata: Ewe Enlet esapw tongeni an epwe popular non ei fonuwen tipis. Chechemeni pwe chomong aramas repwe fetan won ewe aan mi chooolap. Chechemeni pwe Sises a fen pwari ngeni kich usun an tongeok ren an fangeno manawan pwun epwe moni tipisich kewe mi chomong. Mei wor an Kot kokot fanitom. lei popun me wewen a pwari ngonuk an we enlet. Met mefiom ikenai? En mi tongeni kopwe pwan fang ngeni ii manawom om kopwe finata pwe ii epwe om Samol pwan tapweno murin ian chok a emwenukeno ia?

Ponuwan Merei:

Sopweno me amaranoi om manawen ngun!

Ka fen küna feiöch ren ach kei nessenin Paipel? Ach kei lesen ina eú chék me lein ekkewe chómmóng minen álillis fán iten káéen Paipel mi kawor seni Amazing Facts. Ren pwan ekkoch poraus usun ekkoch Puken Kaeo usun ossini ika ren ew puken puk, tape, me video ese kamo, kokori:

Amazing Facts, Inc.

P.O. Box 909

Roseville, CA 95678-0909

916-434-3880

www.AmazingFacts.org

Kokori, Whatsapp, ika text Pwipwi
Soulang Radio Guam, 671-689-9990
Email:pwipwi@joyfmradio.net

Pwe sipwe tongeni anisuk!



